

**Sambutlah hari raya dengan kesederhanaan, keinsafan - Tun Mahathir**  
**Astro Awani**  
**09 April 2024**  
**Umavathi Ramayah**

KUALA LUMPUR: Bekas Perdana Menteri, Tun Dr Mahathir Mohamad menitip pesanan kepada rakyat khususnya umat Islam yang akan meraikan Hari Raya Aidilfitri, untuk menyambut dengan kesederhanaan dan keinsafan.

Dalam hantaran di Instagram pada Selasa, Mahathir mengingatkan rakyat supaya tidak lupa saudara Islam di Palestin yang terpaksa berdepan dengan peperangan, kebuluran dan kesengsaraan.

"Di beberapa negara lain saudara sesama Islam kita terpaksa berhadapan dengan peperangan, kebuluran dan kesengsaraan.

"Apa yang terjadi di Palestin ketika kita sedang gembira meraikan hari raya bersama saudara mara dan sahabat handai, harus membuat kita banyak bersyukur serta insaf akan nikmat yang kita terima," katanya dalam Instagram rasmi beliau @chedetofficial, pada Selasa.

Dr Mahathir turut mengingatkan mereka yang pulang ke kampung supaya berhati-hati dan memandu dengan cermat.

Pada masa saya beliau mendoakan agar rakyat Malaysia terus mendapat kesejahteraan dan dan keampunan dari Allah SWT.

**© 2024 Astro AWANI Network Sdn. Bhd. 200001032668(535275-D) All Rights Reserved.**

Source: <https://www.astroawani.com/berita-malaysia/sambutlah-hari-raya-dengan-kesederhanaan-keinsafan-tun-mahathir-465862>